



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **R. P. Francisci Arias, Societatis Iesv Theologi, Tractatus Tres spirituales**

**Arias, Francisco**

**Coloniae, 1615**

7. Impediri studium mortificationis sanctorum quorundam exemplis  
perperam intellectis.

[urn:nbn:de:hbz:466:1-48767](https://nbn-resolving.org/urn:nbn:de:hbz:466:1-48767)

In hoc tract.  
p. 3. & 4.

uandē detrahamus, aut indiscretas mortificationes ad imitationem dictorū SS. suscipiamus, cū eas antē improbauerimus, sed vt notatis his exemplis, vanos commētiarum infirmitatum timores excutiam⁹, & desertis vitiosis extremis, duce & magistra discretione, ad medium virtutis collimemus.

## CAPVT VII.

*De alio mortificationis impedimento, nempe quorundam Sanctorum exemplis malè intellectis.*

Iob 28.

QVONIAM tenebrarum princeps capitali odio prosequitur studiū sanctæ mortificationis, quippe per quā sua sede & habitatione, quę est *terra suauiter viuētium*, pellitur: idcirco, sicut aliās sacrarū scripturarū testimonijs, perperam detortis à Catholica fide homines abducere conatus est, ita nunc, exēplis quorundā SS. malè intellectis, imperitos deterrere conatur à studio mortificationis, atque experiētia docuit, quōsdam extitisse, qui exemplis SS. inordinatarum passionum regnū defendere non dubitarint, vt ambitionem & cupiditatem alijs imperādi exēplo Apostolorum, qui aliquando inter se contenderunt, quis illorū esset maior. Deinde S. Ioannis & Iacobi, qui primam sedē in regno Christi affectārant:

Matth. 11.  
Act. 23.

ira-

iracundiam verò, in verba contumeliosa erumpentem exemplo Apostoli Pauli, dicentis ad Pontificē Ananiam: *Percutiat te Deus paries de albate.* Et Faustini ac Iouitæ, qui Imperatorē Adrianum appellarunt serpētem tortuosum, & viperā crudelissimā. Et S. Agathæ virginis & martyris, quæ Quintianum, aliosq; tortores suos vocavit immanes tyrannos. Sic ad tuendum dissensionum studiū allegant exēplum Pauli & Barnabæ, qui se mutuò separarunt, ob contentionē ortā de assumēdo in socium Marco. Dein S. Epiphaniij & S. Chrysofomi, qui ob quæstionē de condēnandis Origenis libris non solum à se mutuò discesserunt, sed etiā Epiphanius dixit Chrysofomo: Spero te non moriturum Episcopum, & hic illi, spero te non peruenturum ad tuā urbē. Adhæc ad defendendam superbiam, exemplum inculcant; Prophetę summa libertate increpantis regē Achab, & Elisei regem Iorā, ac S. Stephani Principes Sacerdotū. Deniq; ad retinendam pompā vanam & profanam, mensarumq; delicias producunt exēplum S. Thomæ Cantuariēsis Archiepiscopi, qui multo cum famulorum comitatu in publicum, splendidoq; ornatu prodibat, & mēsam multis opiparisq; ferculis instructā suis apponebat.

Ado 17. 107

Tyr. 15. 107

Act. 15.

Trip 1. 8. c. 15.

3 Reg. 18.

4. Reg. 3.

Act. 7.

His similibusq; exemplis animi sui  
 perturbationes, & immoderatos affectus,  
 velut iustos & æquos palliant, & morti-  
 ficationi oëm aditum occludunt. Quan-  
 quam verò hoc argumētum admodum  
 sit imbecille, & dilui facilè possit, tamen  
 pro solatio & instructione rudiorum o-  
 peræpretium facturi videmur, si respon-  
 deamus, declaremusq; neq; iam allata,  
 neq; vlla alia Sanctorum exempla face-  
 re pro tutela & patrocinio istarū inordi-  
 natarum animi passionum. Sanctorum  
 enim vita prorsus cōsentit cum purissi-  
 ma eorum doctrina, & cum omnis per-  
 fectionis archetypo, nempe Christi Do-  
 mini nostri vita. Quocirca in Sanctorū  
 historijs distinguendum est tempus, quo  
 vixerunt, ab eo, quo non vixere. Nam li-  
 cēt multi à prima ætate fama sanctitatis  
 fuere celebres, vt S. Hilarion, S. Chryso-  
 stomus, S. Eduardus Cantuariensis Ar-  
 chiepiscopus, S. Malachias Archiepisco-  
 pus Hiberniæ, S. Clemens martyr & E-  
 piscopus Ancyranus, S. Maclouius, S.  
 Bernardus, S. Thomas Aquinas, S. Ber-  
 nardus, S. Eduardus rex Angliæ, & S.  
 Ludouicus rex Franciæ; & alij: nihilo-  
 minus alij fuere, qui in prima adolescen-  
 tia vitam duxere communem, postea  
 autem potenti Dei manu tacti, in alios  
 ho-

homines commutati sunt, & vitam e-  
gêre perfectissimam. Alij verò etiam  
primam ætatem consumpsêre in gra-  
uibus sceleribus, sed radijs diuini lumi-  
nis exceptis, ita illustrati sunt, vt osten-  
derint ibi abundare sanctitatem, vbi  
ante abundarat malitia & peruersitas.  
Ac rursus alij extitêre qui omnem æ-  
tatem in infidelitatis tenebris vel in  
grauibus peccatis omni gratia destitu-  
ti transgêre, & tamen ad Euangelij vo-  
ces, aut conspectam Christianorum  
Martyrum in atrocissimis tormentis  
constantiam, resipuêre, & ad mortem  
pro Christi fide tolerandam se obtule-  
re, ac sic nomê & mercedem sanctorum  
Martyrum breui temporis momento  
retulêre.

In his omnibus sanctis, nihil ad au-  
toritatem exempli trahi potest, ex re-  
bus ante adeptam sanctitatem gestis, ac *Chryf. ho. 66.*  
proindè quod de Apostolis obiectum *in Matib.*  
est, nullius est ponderis, idcirco enim  
Christus Saluator ex infimo hominum  
statu, & rerum omnium ignaros ele-  
git, vt quicquid postea eorum opera ef-  
ficeret, non ipsorum, sed Christi virtu-  
ti, à quo missi erant, attribueretur.  
Poterat quidem Christus eos vno  
momento reddere perfectissimos, sed

maluit sensim vsq; ad Spiritus S. aduentum proficere, vt suorum lapsuum & defectuū memores, se magis submitterēt, totamq; sanctitatē & perfectionem suā sincerē altissimo transfererent: deinde vt hoc exēplo omnes fideles maius solatium caperent, clariusque agnoscerent omnia bona sibi contigisse per Christū, & si imbecilles sint ac rudes, Deum sua gratia & benedictione illis non defuturum. Itaq; in Apostolis eos mores imitādos nobis proponere maximē debem⁹, quos post adeptum Spiritus S. lumen longē copiosissimum, demonstrarunt. defectus verò quos tēpore nouitiatus sui habuisse vidētur, nō imitari, sed corrigere, quēadmodum & ipsi in se correxerunt.

In S. Thomæ Cantuariensis exemplo non dissimilis ratio est, nam ille in sanctorum numerū, præcipuē ratione persecutionis & martyrij pro Ecclesiastica immunitate fortiter perpeffi, relatus est: itaq; si quos nequos ante illud habuit in auctoritatem exempli trahi nequeūt: certē quosdam & ipse paulò antè mortem, vt splēdidum habitum cum monastico, & lautam mensam cum vulgari, magnumq; seruitiorum numerum cum sex famulis, licet primarius esset regni Archiepiscopus, cōmutauit, cilicij quoque

que continua asperitate, & quotidiana corporis vsq; ad sanguinem non semel repetita diuerberatione, & in perfrigidum profluëtem demersione afflixit, vt hoc melius ad profundendum pro Christo sanguinem se compararet. Atq; hanc vitam duxit, postquam Deus eum potenti sua dextera in alterum virum, & verum athletam suum, posthabitis omnibus seculi vanitatibus, conuertit.

## CAPVT VIII.

*Quomodo intelligenda sint exempla quedam, quibus inest mysterium, vel que speciali Dei instinctu accidere.*

**I**N vitis SS. illud quoq; non præmittendum est, nonnullis eorum factis dictisve inesse aliquod mysterium & ideò non ad consuetam normam communis vitæ SS. cæterorum, sed ad peculiarem diuinæ inspirationis prouidentiq; particularis regulam esse expendenda. Quò pertinet, quod S Paulus principi Sacerdotum dixit: nec enim fuit maledictio, vel contumelia, sed prophetia: plenus siquidē Spiritu S. inquit B Gregor. prædixit, qualis esset futurus. Nec enim dixit, *Percutiat Deus*, sed *Percutiet*. Prædicebat autem, vt annotauit Venerabilis Beda, Sacerdotium Israeliticum, quod tum

Bb 5 erat

Ab. 23.

Lib. 7. mor.

c. 22.